

Date – 14/04/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. MNF President leh Chief Minister hlui Pu Zoramthanga'n a chanchin ziahna 'From Guerrilla Fighter to Chief Minister' tichhuak tu Penguin Random House of India chuan an ngaihhlut sak thu a sawi.
2. Nimin khan Aizawl Municipal Corporation-AMC inthlan atana polling station pan theilo te Home Voting kalpui tan a ni.
3. Prime Minister Narendra Modia chaun ramchhung hmeichhiate theihna chuan nasa takin hma a sawn a ti
4. West Bengal leh Tamil Nadu Assembly inthlan atan ni 10 chiah a awm tawh avangin campaign-in a vawrtawp thleng chho tan

<><><>

EX-CM

MNF President leh Chief Minister hlui Pu Zoramthanga'n a chanchin ziahna 'From Guerrilla Fighter to Chief Minister' tichhuak tu Penguin Random House of India chuan an ngaihhlut sak thu a sawi.

Pu Zoramthanga chanchin ziahna 'From Guerrilla Fighter to Chief Minister' hi vawiinah Larsap General (Rtd) Vijay Kumar Singh a'n a tlangzarh dawn a Pu Zoramthanga lehkhabu ah hian Mizoram tana zalenna an sual dan chanchin leh Chief Minister a nih chhoh dan kimchang taka ziah a ni a, saptawnga ziak niin Larsap hian April ni 14 ah Aijal Club ah a tlangzarh dawn a ni.

Pu Zoramthanga chuan a beisei aiin Penguin Random House of India chu alo lian tih sawiin a chhut kawngah leh thawm mawi kawngah nasa takin an pui a ti a, an ngaihlu chu a lawm takzet tih a sawi bawk.

Pu Zoramthanga lehkhabu chhut saktu Penguin Random House of India hi khawvel puma publisher lian ber niin kum khata an sum lakluh pawh a tam hle a, MNF President chu hun harsa tam tak paltlanga damchhuak zinga mi chhuanawm anih avangin tihchhuah sak ngei an duh thu an sawi a, Lehkhabu hi Amazon ah lei theihin a awm a, Aizawl-a tlangzarh hnuah dawr hrang hrangah zawrhchhuah ani bawk ang.



HPC(D)

Mizoram sawrkar leh Hmar People's Convention (Democratic) te chuan vawiin hian Sakawrdai ah inremna an ziaik dawn.

Home Department hnen atanga thudawn danin Mizoram sawrkar leh Lalhmingthanga Sanate kaihhruai pawl Hmar People's Convention (Democratic) te chuan vawiin hian Sakawrdai ah inremna an ziaik dawn a, he inremna ziah hunah hian Adviser to Chief Minister (political) Pu Lalmuanpuia Punte pawh a tel dawn a, Sawrkar hotute sawi danin Inremna hi Mizoram sawrkar aiawhin Home Secretary in a ziaik ang a, HPC (D) aiawhin President Lalhmingthanga Sanate in a ziaik dawn a ni.

Sawrkar hotute sawi danin Hmar People's Convention (Democratic) mi 43 te chu April thla chhunga an lo kir theih na turin ruahmanna siam a ni a, heng mi 43 te hian thuneitute hma ah an ralthuam an tun hunah an lo lut dawn a ni.

Mizoram sawrkar leh HPC(D) inremna tura inbiakna hi tunhnaiah khan neih a ni a, hetah hian Adviser to CM Pu Lalmuanpuia Punte leh Mizoram sawrkar bakah HPC(D) te inbia in April ni 14 ah inremna ziah an remti ta a ni.

Thudawn danin inremna ah hian HPC (D) hian a hranpa a phut an neilo a, amaherawhchu Sinlung Hills Council huamchhunga khaw hrang hrang inkalpawhna tha zawk neih an duh thu an sawi a, heng bakah hian HPC (D) mi leh sa te intun tunna tur sumfai pe tura inrem niin Sawrkar laipua Ministry of Home Affairs nen ngaihtuah tlan tura ruahman a ni.



HOME VOTING

Nimin atang khan Aizawl Municipal Corporation-AMC inthlan atana kum upa te, damlo natna khirh bik nei polling station pan theilo te leh pianphung a rualbanlo polling station pan theilo te tana a vote thlak theihna tura ruahman, Home Voting chu kalpui tan a ni a. Home Voting hi ningani thleng kalpui tura ruahman a ni.

Home Voting ni hmasa ber nimin zing dar 6:00 khan District Election Officer's Office, Aizawl atang in vote thlakna tur EVM leh hmanraw dangte Municipal Ward tin te Municipal Returning Officers (MROs) ten General Observer hriatpuina in Strong Room atangin an pechhuak a.

Home Voting hi AMC Ward 19-ah kalpui vek tur a ni a, Ward tinah Home Voting Team pakhat theuh awm in, Home Voting ti tura dilna lut zat hi 2769 a ni a, ni 4 chhung a vote thlak hi zawh hman tura ruahman a ni, Municipal Ward – 2 ah dilna hi lut tamber in diltu mi 209 an awm a ni.

Nimina Home Voting Team tirhchhuahnaah hian General Observer te, DEO aiawh Election Officer te, Ward tin MRO leh AMRO te, Home Voting Nodal Officer te, EVM Nodal Officer te, Information & Publicity Nodal Officer te leh Political Party aiawh te an tel a ni.

Hriat theih chinah nimin Home Voting a, Vote thlak upa ber chu Pi Nghakliani, Kum 102, Dawrpui veng, Ward-IX hnuai a mi a ni.

<><><>

KHAWZAWL

Ni 25 awh tur Puantah Training chu Project Manager, WDC-PMKSY 2.0, Khawzawl-I & Project Director, DRDO Khawzawl District ni bawk Pu K Vanlalhmuaaka chuan Community Weaving Centre, Chawngtlaiah a hawng.

Community Weaving Centre, Village Level Development (VLDP), Planning & Programme Implementation Deptt hnuai mi chu WDC-PMKSY 2.0, Khawzawl-I, nen tang kawpin (Convergence) Training tum hnih lo neih tawh a ni a, Training hi mamawhna a la san em avangin PMKSY 2.0, Khawzawl-I bul tumin Trainer thiam tak hnen atangin a tum thum nan nimirah Training hawn leh a ni.

Ngotekherh, Pawndum chei leh Puanzeh 38 Nos lai lo tah tawh a ni a, training-ah hian mi 40 in an zir chhuak tawh a ni.

<><><>

MNF/ZPM ISSUE

ZPM Thalaiten Aizawl Bawngkawna AMC Sport Complex enho tura MNF Thalai an sawm hnuah nimin khan a hran ve ve in helai hmun hi an enfiah.

MNF Thalaite hian an President Pu Robert Romawia Royte MLA hovin zing dar 7-ah AMC Sport Complex hi an enfiah laiin, ZPM Thalaite chuan chawhnu dar 2 khan an enfiah thung a; MNF Thalai President Pu Robert Romawia Royte chuan, ZPM Thalaiten AMC Sport Complex enfiah ho hun tur ruat tura an tih angin tukin zing dar 7 chu enho hun atan an ruat a , hetihlaia ZPM Thalaiten zingkara enho duh loa chhun lama enho an duh zawk chu mak a tih thu a sawi.

Pu Robert Romawia chuan, Bawngkawna AMC field leh a bul kawngpui siam te, pavillion leh tui litre nuai 4 leng zemliam siam te, khelmual tihzauh te, tui luankawr leh mipui thutna siam te, a hungna bakah PCC road siamte hi a hunlaia AMC Engineer te bakah Bawngkawna LC te, GSA te leh Welfare-te enpuinaa thawh a nih thu a sawi a; thil fel lo a awm ti te tan chuan ACB emaw, CBI emaw, LokAyukta-ah emaw kal mai tur a nih thu a sawi.

ZPM Thalai President Pu Jeje Lalpekhluah chuan party 2 ringawtin zingkara an enho chuan inhnialna bak a awm dawn loh avangin chhun lamah media mite, khawtlang hruaitute leh mithiamte nen enho an duh thu a sawi thung a; AMC Sport Complex boruak chu AMC inthlan campaign nen inkaihnhawihna a neih loh thu a sawi a; thil a nihna tak hai lan an duh avangin enhopui turin third party lamte leh khawtlang hruaitute an sawm tih sawiin, hemi chungchangah hian a lehlam party-te pawh thil tha turah chuan hmun khata awm ho a that thu leh thil tih a nih dawn chuan party game-a laka inchirhthehna atana hmang lova tih ho tha an tih thu a sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



HOME VOTING

Hnahthial YMA Bazar Branch chuan nizan khan zirlai naupang ten zirna lama hma an sawn zel theih nan class III atanga BA chin fuihna hun an hmang.

He hun hi Bazar Branch YMA hall ah neih niin Gov't Hnahthial College Professor ni lai mek Pi Jennet Lalremsiami chuan zirlai te tan fuihna thu sawiin, zirlaite kal zelna tur a pawimawh te a sawi a. He hunah hian zirlai naupang thahnem tak an kal a ni.



OIL & GAS

Mizoram Sorkar chuan, indona thleng mek vanga eirawngbawlna Gas leh tuialhthei-a harsatna thleng thei lakah Mizoram Sorkar chuan ngawrh takin hma a la reng a. Tun dinhmunah eirawngbawlna Gas leh tuialhthei chu Mizoramah a thleng tha a, mipui tan chiai-na tur a awm lo tih an sawi.

Sawrkar tarlan danin nimin April ni 13 thleng khan Mizorama LPG Distributor hrang hrangah Domestic (14.2Kg) bur 15119 a awm a, kawng laka thang mek bur 32612 nen a vaiin bur 47731 awm ang a ni a. Commercial (19Kg) chu Distributor-ten bur 619 an kawl bakah kawng laka thang mek 336 nen avaiin bur 955 a awm a. Petrol pawl Filling Station-ah Kilolitre 1235.80 awmin, kawng laka thang mek Kilolitre 335 nen a vaiin Kilolitre 1570.80 awm ang a ni a. Diesel chu Filling Station-a Kilolitre 1516 awmsa bakah kawng laka thang mek Kilolitre 375 nen a vaiin Kilolitre 1891 awm ang a ni.



PM NARI SHAKTI

Prime Minister Narendra Modia chaun ramchhung hmeichhiate theihna chuan nasa takin hma a sawn a ti. Nimina hmeichhiate dinhmun chawikan chugnchanga New Delhi-a Nari Shakti Vandan Sammelan-ah he thu hi sawiin hmeichhiate dinhmun chawikan anih theih nan mitin tangrual turin a sawm a. Parliament pawhin hun chhinchhiahtlak tak a hmabak tih sawiin State Assembly atanga Parliament thlenga hmeichhiate tana seat hauhsak chungchang sawihoin tun thla ni 16,17, leh 18 ah hian an thukhawm dawn tih a sawi a ni.



ASSEMBLY ELECTION CAMPAIGN

West Bengal leh Tamil Nadu Assembly inthlan atan ni 10 chiah a awm tawh avangin campaign-in a vawrtawp thleng chho tan a. Star Campaigner ten hmun hrang hrangah vantlang inkhawm, kawngzawh leh inhmukhawm an buatsaih a. Senior BJP leader leh Union Home Minister Amit Shah-a chuan nimin khan West Bengal-a Paschim Bardhaman district-a Raniganj ah thu a sawi a. Bengal chu dankalha lutru te awmlahnaah siam an tum thu sawiin Bengal mipuite chu BJP vote turin a sawm a ni.

Trinamool Congress hruaitu leh West Bengal CM Mamata Banerjee pawhin SIR hmanga West Bengal voter tam tak BJP in an paih chu a sawisel a. Pi Banerjee hian Raghunathpur ah kawngzawh ah a tel a. Bankura district ah vantlang inkhawmah thu a sawi bawk a ni.

